



柳田文庫  
文庫11  
A1995





文庫11  
A1995

獨嘯菴先生著

漫遊雜記

書肆

好古堂

漫遊雜記序

癸未之夏獨嘯菴先生所撰漫遊

雜記成矣魯謹閱覽其書請梓之

先生乃曰已矣已矣天下有一定

之法而無一定之病危哉岷岷乎

女將以有定之法待無定之病歟





魯  
應之曰匪道弘人人能弘道斯  
人而斯道存斯道而斯言出斯言  
出而不朽則豈亦知來者之不可  
追乎先生可延為之序曰古人有  
言云古人之糟魄已矣嗟嗟否歟  
味哉彼其言道可謂盡矣夫天地

之廣品類之顛四民百伎之繁滋  
有物有則物待則以行則待人以  
成則成於一從物於萬綜之謂之  
道道之於物小而無內大而無外  
有數存于不存有機動于不動於  
是乎文字之不可以形言語之不



可以傳固矣故人之志道要<sub>二</sub>先體<sub>一</sub>  
其真<sub>一</sub>要<sub>二</sub>之有方<sub>一</sub>要不得方毫髮千  
里其真耗焉其真既耗古先之籍  
百家之言一<sub>モ</sub>無不救<sub>テ</sub>經引足者若  
夫得方則蕪蕪之言尚可擇焉耳  
之聞目之見左右皆真左右皆真

而後曰古曰今渾然二而一二而  
一而後未始有法之可體亦未始<sub>下</sub>  
不有法之可體也此之謂道之真  
鳴虜真乎難知必也在向方之始  
焉矣醫亦道之分也乃方乃真乃  
存於其人知<sub>テ</sub>醫之有真而從其難



乎方者即其人也。湯遊雜記言方  
之書而真之隨存。景饗爰刊。公世  
世讀此書。眩真者必曰是神。其言  
耳內省則疚。未足盡先生惑方者  
必曰言方則是醫。豈必方未足盡  
先生學方。不圖思真不危。徵諸事

實反求諸已。而後能知其方。猶真  
真猶方。方之與真不可岐。而為二  
者。其庶幾耶。非耶。

門人北筑龜井魯拜撰于

洛北僑居





跋



余天資薄脆恒漫游將養於是  
作漫游雜記夫鑿雖小技事涉  
機用至其實要須斷毫髮於心  
手不可筆而舌而傳也如斯書  
特其標準而已讀之者無拘迹

友

此頁為書中正文，文字極其淡，且多模糊，難以辨認。依稀可見其為多行書寫。



失<sup>スル</sup>真<sup>ラ</sup>則可<sup>ナリ</sup>矣

明和元年秋八月 獨嘯菴誌



茂木東廣業智君山藏



漫游雜記

永富鳳朝陽

赤馬關 獨嘯菴著

凡欲學古醫方者當先熟讀傷寒論而後撰良師友  
事之親試之事實若五年若十年沈研感刻不休則  
自然圓熟也而後取漢唐以下之鑿書讀之則猶懸  
明鏡而辨妍媸也不然則雖讀盡億萬卷之書無益  
為方技也唐明皇使画士韓幹觀御府所藏馬幹曰  
不必觀也陛下厩馬萬匹皆臣之師也又宋魯無疑  
工画艸蟲年邁逾精羅大經問其有所傳乎無疑笑  
曰既豈有法可傳哉某自少時取草蟲籠而觀之究





晝夜不厭又恐其神之不完也復就草地之間觀之於是始得其天此一人之言可爲學鑿之元龜

何謂古醫方通本也故其方約而中何謂通本有病者于此醫望其色問其症候審其經歷診其腹脈是知氣疾而後須能鑿可黃連可芍藥可甘艸可石膏可附子可大劑可小劑機宜僅失則其病不愈神遇妙契不可言而諭也不可筆而傳也近世任古鑿方者率巧利小人殊無老實之態所言所行皆悖逆古義探討其意之所存不過張大門戶欽慕勢利也或曰論症不論因或曰藥無寒熱聞之則明明行之則

潰潰遂使世人謂古鑿方有害於世豈不悲乎

治療之道二端曰逐機曰持重所謂逐機者病移則輒隨非迷惑而轉方也所謂持重者病深則治一非迂遠而過日也持重者常也逐機者變也能逐機則失持重能持重則失逐機難矣哉爲古鑿方

今世爲古鑿方之徒事師不過一二年其中未有所得飛翻歸家鄉偶遭遇順境痊得痼疾數人則振拔自豪以爲人無復我加矣遂侮弄甘遂巴豆誤治誤人軀隨地遘則遽若老狗猫兒垂首搖尾乞憐於朝市之人從前集毒之藥裹翻爲養榮益氣之棲宅可



悲矣

凡百技始於巧終於拙出於思入於不思故巧思極則神妙神妙則自然自然者不可以巧思得不可以歲月到不可離巧思而得不可遺歲月而到

夫爲古鑿方者運思於傷寒論以病爲師曲盡其變態則天下之病現於目中夫而後應做未萌治未病今之鑿者則不然巧思不熟經歷不預病者至前始摸索焉

從事於古鑿方者其人勢利不集於心則亦未必多讀書枕一傷寒論足矣

世鑿動謂傷寒論治外邪天下無加焉至于雜病未必然噫呼卑卑哉夫傷寒有萬病萬病有傷寒迴互參究始可治傷寒始可治萬病况一握驪珠於古鑿方中則千金外臺宋元遼明之瓊言家說皆爲我使用猶正統一歸則九夷八蠻悉受其正朔也

冷齋夜話曰太平有日者爲市井凡庸之人課無不奇中至爲達官貴人課則皆無驗或問之答曰我無德量凡見尋常人則據術而言無所緣飾見貴人則畏怖徃徃置術之實而務爲諛詞其不驗要不足恠噫呼彼挾奇譎幻恠欺世誣人者尚知非如此况於



司人之夭壽安危者乎今世之鑿其心多不潔而欲其技之精妙猶向西見東矣

扁鵲曰越人能知可起者起之夫諸不治之病雖攻之百端終無益故余以能知死者與不治者爲鑿流第一義諦能知不治者而後能知治者能知不死者而後能知死者能事畢矣

英雄隱于鑿卜固有故矣夫鑿卜者無素封者之素封也不任王侯自如可以行意苟無素封有父母且老則雖剛明之賢者高臥養志豈可得乎不釋祿而仕自古有斯言而較之出處進退必以其時者斷然

有間矣余多觀當世聰辨之士或老子講官或因于舌耕鬱鬱不樂者無它不慮諸其初也

外邪輕症以桂枝湯可也以柴胡湯亦可也至于重困之症則大不然余觀外症未去服柴胡湯承氣湯過經爲壞症者不豈豈可不慎乎

痢病初發尤可鄭重發汗諦視毒氣集胃中而後可與大小承氣也

傷寒二三日脉沈數巨里如奔馬或心下痞鞭者皆爲大患

赤關一鑿生病疫惡寒發熱頸項強頭痛如割脈洪



數心下痞塞請余余曰是疫兼氣數日之後大便秘難  
通須先吐醫生心不服於葛根湯方加枳實五分日  
服五貼汗出如流不解脈數痞塞愈甚完穀不下日  
夜煩躁不能睡余曰脈數痞塞益甚大便秘不通經數  
日雖以大承氣湯無益今雖屎不定鞭須先其時下  
之醫生可迺作大承氣湯與之醫生以爲余言如此  
恐難起呼親故屬後事苦思萬端氣鬱結故經數刻  
藥氣不行醫生心又以爲雖行大承氣湯便不下病  
危甚以白茶盞服新汲水五盞卒然而厥家人狂躁  
頻來呼余余方食吐飯行既到其家則厥浸愈宅

生先到者三四輩圍繞而坐醫生視予心寫承氣湯  
與新汲水并行大便秘下二行最後見血少許醫生病  
數日視聽不正以少許爲許多又以爲血下如此決  
不得起恐懼發狂宅醫生皆以爲疫毒轉傳入裏余  
曰疫已解狂自狂而已雖然狂依疫發愈必勿驚待  
數日之後腹氣復津液調治之可也而傍議紛紜不  
止別延一醫生來生日是非疫狂也以大劑白虎湯  
則十擲可治加石膏十二錢進之予曰腹候不正攻  
之過峻則恐變生請待三五日進一醫生心不服余  
辭去其翌黎明急來叩門日服白虎湯二貼卒厥而



馱請來急診余直到診則四肢冷厥機轉悉斷只心  
下一寸有微暖一塊逼鳩尾它醫生先到者執熊膽  
漑之數次益不可余曰是九臟失位置開闔將絕不  
堪熊膽之慘苦乃以手摩塊氣息微宛々迺煎朝鮮  
人參五分漑之頃刻甦再作人參湯進一貼每貼參  
五分日暮省人事數十日而全愈

余年廿一之越前見奧村翁受吐方翁年六十日我  
二十而爲醫知有子和氏試汗吐下技拙人不信欲  
休三不能休年迨六十始見允於越南北人今又八  
年吾子千里來見我事畢我少見竹林生華其翌年

枯我得吾子猶竹林生華我死期不遠矣隱呼可謂  
窮而益堅老而益盛也余歸於越前采瓜蒂於四方  
悉不中用唯越州所產可共吐方耳翁而生其地豈  
不天乎

凡醫生無師授憲章之事親試病者多年自然發已  
見者徃徃有之較之徒守師法不經事之徒則不可  
同日而論也

後藤良山幼而寒窶慨然歎曰我爲儒耶難上伊仁  
齋我歸釋耶難兄隱元無已則醫耶無豪傑逸才之  
先著鞭者乃謀其親舊贄青錢壹貫文執謁於名護



元本以中其感即景  
亦子之也  
同航亦姓  
字子之

屋玄鑿玄鑿以其贄薄不合家規不見艮山激憤填  
膺將出門日玄鑿鼠輩不知人乃振死力勤勉遂為  
古鑿方之開祖矣

輟耕錄日宋季參政相公鉉翁於杭將求容貌才藝  
兼全之妾經旬餘未能憊意忽有以奚奴者至姿色  
固美問其藝則日能溫酒左右皆失笑公漫爾留試  
之及執事初甚熱次略寒二次微溫公方飲既而每  
日並如初之第三次公喜遂納焉終公之身未嘗有  
過不及之時歸附後公携入京公死囊橐皆為所有  
因而巨富人稱日奚娘子者是也吁彼女流賤隸耳

一事精至便能動人亦其專心致志而然余竊悲吾  
人從事於古醫方不能研精於經脈藥石之事者無  
它分志於勢利之途也較之奚娘子專心於一溫酒  
以致巨富間矣

有一婦人每年一產悉不育或死于母胎或產畢死  
乞治於余余按其腹有巨塊中脆築築乃與寫心之  
方寬其中每月二次灸七八輪及十八九輪五十壯  
堅制房事日佐薪炊如此十月臨產腹痛一日無他  
故唯新產兒面色青黃呱呱不發於是急取太黃甘  
艸黃連三味下黑便一日夜面色變赤啼聲徹四壁



漫海雜記  
遂爲好男子矣

佐嘉侯家臣某年二十五左臂痺諸鑿不知其故經三年不愈迺往于長崎就外科某以阿蘭法治之又  
不愈余偶西游到長崎某者來乞治余望其容姿輕  
健如常而徐察之則其面過赤其脈洪數其腹堅滿  
大便秘結舌乾氣促喜怒無常好淨潔陰雨暮夜安  
靜而晴日晝間暴熱躁煩而渴余以瓜蒂散一錢吐  
膠痰升許臭穢物升餘吐了取大黃黃連黃芩三味  
下之峻瀉六七行至晡時昏眩乃進糜粥養之熟眠  
一夜其翌診之則脈數腹滿大減迺作黃連白虎湯

進之兼用濕漆丸居二十日病減半先余歸于佐嘉  
城後六十日余亦東歸道佐嘉宿某者家再診之病  
漸除其七八而左臂未全快作一百日劑而去矣  
長門府一男子患下疳脩治不順如愈如不愈荏苒  
經數日秋間浴溫泉二十日毒氣大發骨節如刺遍  
身腫脹不能起作遑遽而還家過十餘旬經三鑿師  
之手不治其兄移居在赤關就余謀於是舟楫一日  
往訪其居男子不出一室百餘日脈數氣促夜夜不  
睡目眇瑩然常懷悲愁髮亂面腫潰爛如桃花新發  
診其腹脈則膿汁塗手迺作再造散六十錢三黃湯



二十貼與之日後十日間須服盡十日後一力來乞藥且曰穢物下日六七行又經十日往再診病形半退寤寐徐靜謂余曰今茲七月十六日爲亡父大祥忌距已不遠得躬辨供養之事非分之幸也豈莫有速治之術乎余曰有迺作五寶丹如法服之二劑而得愈既而至祭期拜僧對賓陳佛餉供香火一一無缺事竣延余喜甚余曰吾子勿太甚悅乎五寶丹可散毒不可盡毒今之得愈非全愈散而已徧身猶有多毒不日而再發不信脩養有間居二十日果然再發於是遽服前方從秋至冬連延越春夏漸得尅平

而瘡根堅凝者未散余曰是餘毒未盡也宜益服前方服又一年已上三十餘月而全愈噫呼溼毒浸潤之毒急急難除如此

一男子患氣疾左右脉洪數心下痞堅大便秘結寤寐不安語言失理禰王禰帝余以三聖散吐之二回與參連白虎湯三十餘日而全愈

有一男子病時疫經汗下十餘日諸症不減謔語摸牀不食時時直視如視鬼狀一日厥逆而脉斷諸醫束手其戚家某狂走而來請余余到診則瞑目閉口機轉悉絕唯心下有暖氣一塊橫斷上下乃取熊胆



貳分以小刀開牙關灌入頃刻而蘇息迺作小菘胡湯進之語言既出未省人事其明又與熊膽暨小菘胡湯如前如此七日病徐徐而退日啖薄粥一大椀經數日得愈斯兒病非重困危篤之症諸醫不知其小腹裏少小有痼癖使邪氣不發舒徒攻致率暴之變也

一男子侵暑耕率然衄血一日夜昏眩不能起家人急來請余余乃到診血益迸出冷汗如灌巨里如奔馬脈如怒濤迺浸杉原紙三枚於冷水以蓋其百會貯烈火於慰斗中自溼紙上熨之二五次血休不出

雖然暈眩存發不能食飲於是作大黃黃連寫心湯日服三貼經七日兩脛大腫與瀉心湯自若二十日而全愈

阿波賈人泊舶於尾道食章魚中毒累日不解經二旬到赤馬關易醫二病勢益猛烈命在旦夕客舍主人某造余廬請治余到診滿腔如盛石自心下至少腹絞痛不可觸藥食并吐不留些子其脈緊數唇舌焦黑余呼主人問曰斯人平生無苦積塊乎曰有余曰是滯食激發積痛也先下其滯食隨調其積痛則猶或可解唯連延經數日焉爾迺作大劑大承氣湯



漫遊雜記  
下之數十行腹脹悉除絞痛益劇當其心下有一巨塊如活動者狀於是與附子粳米湯調之三日腹痛減半舌胎皆去日啖薄粥二盞與粳米湯一百日荏苒得愈船主之滯食不吐以瓜蒂者知其聲氣有不堪瓜蒂之毒也既下後不進以茶連者腹氣竭之以苦寒攻則痛益激也

奧村翁曰癩癩服吐方痊余西歸之後試之不啻數十人僅愈一二入鑿生之妄誕雖耆宿如此可恐

病勢緩者死生易審勞瘵膈噎鼓脹之類是也病勢急者死生難預傷寒麻疹痘瘡之類是也醫人須勤瘁感刺明決診候之機

余小少多客氣施治方於不治之病取凶暴之名不少今錄其一二廣陵一女子病咳晡時潮熱淡紅上頰肌肉脫落脈數氣急而食飲不減平生千里需醫乞治先師時適余歸於越前勸先師吐之快吐數升安寢一夜諸症悉去三日而死又有一男子病噎年紀五十餘食飲一切不通日飲醇酒三四盞容恣枯燥但坐吐白沫精彩瑩徹夜夜不睡余與三聖散快吐數刺吐後一日食飲復常書間忽然而殞又有一女子病鼓脹腹皮光彩射入謁力推之空洞無物大



小僂不利飲啖頗健余調二聖散一錢於薑汁進吐穢物數升又以雙紫圓三分下之數十行其明大僂泄利小僂斷不下腹脹減不足言不日如故經數旬而死又長門一鄉胥病喘數年身體枯渴腹皮迫急氣息奄奄語言蹇澁余調二仙散五分於薑汁進之飲之一口至吭不下不吐手足微冷額上生汗脈斷欲歿急與麝香末三分徐徐得解又有一賈豎形狀類鄉胥之病唯腹氣頗堅實以二仙散一錢和白湯進之羹被褥取汗余坐枕上時時進白湯以雞翎探之自旦至夕不吐勺飲日暮啖薄粥二椀氣韻如常

余羞赧而歸斯五人者其一者虛羸不堪藥氣其一者病深不屑藥其三者攻之促命期施治方無益一也嘗觀一婦人病乳岩者漫然不爲意經十五年而歿蓋諸不治之病未必即歿或躬自懷悲懼或鑿生誤治方以短促其命期不若棄置待盡

有一女子疫後數日困悶不能食眼睛不和懶動作時時惡寒如將再病者按其腹當心下有畜水連胸腹苦滿其脈沈遲而欲斷迺與苦瓠穰貳分吐之五次湧黃水數升其翌日氣宇豁然飲啖復故

有一歌姬患腫毒左肘腫起如傅饅頭徧身無肉脈



數氣急咳嗽潮熱一與傳屍符審問其病狀比年來  
骨節疼痛腰背冷月事不下蓋得之濕毒壅於經脈  
乾血攻中也廼與濕漆丸壹錢十餘日大便下臭穢  
物徧身發紫疹陰門突出疼痛不可堪而脈數氣急  
減半於是作瀉心湯與濕漆丸併進二十日覺膚革  
生肉咳嗽潮熱徐徐而退約二月許而愈

有兒五六歲病天行痢二日而發驚癇直視攣急身  
冷脈絕醫將用三黃湯余止之日痢以痢初頭發其  
腹氣堅實雖危不至死今外症未散而用三黃湯則  
恐痢毒鬱凝而延數十日數十日後腹氣虛竭癇再

發則不可救今日之政唯須發散乃以葛根湯發之  
兼少用熊膽經五日而痢愈癇不再發

有一青女日日卒厥而死約日數十次不能食五穀  
易醫十二人不治時鑿莫得其解者請余余往診之  
其脈沈遲其腹如張幕心下不痞臍左右無癥結余  
曰是氣疾也格在胸中病減則病形現腹廼以鷓鴣  
菜湯下虫十余頭畢作太黃黃連瀉心湯與之居數  
日灸十五節之脊際十五壯無它異其明十六節壯  
數一倍其翌十七節壯數三倍經數日卒厥不過日  
一二發益進瀉心湯灸脊際自第二節至十八節數



十日而全愈

有一婦人經水五十余而不斷其至也每月十四五日血下三倍尋常之人面目黎黑肌膚甲錯暈眩日發四五次不能數步徹夜不眠呻吟聲聞于四隣其脈沈細其腹空脹心下暨肚腹各有一塊堅如石蓋敗血凝結震蕩鮮血也余一診曰腹力虛竭積塊不可攻與滋潤之方觀其動靜而已家有二子懇請不罷乃作當歸建中湯日服二貼經五十余日無它異唯覺暈眩僅減又數日其左足發毒腫一日三五次暴發來太家人驚請宅鑿宅鑿診爲氣疾與二黃湯

二日許暈眩大發卒厥欲死於是遠遯再請余余曰病不可攻而攻故有斯變斯人斯病除當歸建中湯無別一方可進也服建中湯數百日身覺滋潤徐徐可艾炷於是再作建中湯與之居半年暈眩不發日行數百步血來減前於是灸脊際日三四穴漸增至五六穴無慮二十七穴每月爲輪次終則始與建中湯自若一年許而血來減半面目肌膚生津液經又一年徒步涉山河詣後筑善導寺

有一贅婿新婚後數月病暈眩隔日衄血咳嗽潮熱其脈弦數家人悉謂腎勞余一診曰其腹氣堅實也



決非腎勞也。審問其病因，平生嗜飲酒，過象比年來，  
為舅姑見制，絕盃酒，故致氣火鬱蒸，迺與大黃黃連  
瀉心湯，三十日而全愈。

喘息輕症，暨將發者吐之，隨宜施灸藥，則可治。但腹  
氣不堅實者，謹不可吐。香川氏藥撰有服鮎鱸法，余  
試之，往往有效。

山東洋嘗治河漏停滯者，益進河漏，以吐之，是當吐  
方未講之時，其胸間既有吐方。

傷寒論曰：嘔家不可用建中湯。山東洋以建中湯治  
嘔，蓋懸斷其人別無一方可進也。

癩癩不治固矣，但男子情想未發者，女子天癸未至  
者，灸藥得所，則十可治四五。至受之於母胎者，決然  
不治。

乳岩不治自古，然而紅毛書中有言曰：其初發如梅  
核之時，以快刀割之，後從金瘡之法治之，斯言有味。  
雖余未試之，書以待後世。

并河天民氏曰：本艸毒艸部可熟讀。  
學醫方之人，其中既有得則心通百技之會，故對絕  
藝之人，則雖琴棋歌倡之末，隱然知懼也。承鯛操舟  
旨矣。蒙叟之言。



漫遊雜語  
或有言容水於瓶微則其鳴淅瀝半則囂然滿則悶  
乎無聲凡才德技藝之士學未熟則多言強聒自視  
甚高涵養既極則神閒意定湛乎若空

身處五民之外或可貴或可賤上陪王皇不爲榮下  
伍乞兒不爲辱可優游以卒歲者唯我技爲然而自  
非有確乎不拔之操難矣其不爲油滑佞諛之人  
家豬膽通壅滯療逆氣功不讓熊膽熊膽多疑似物  
非精於鑒賞者不能辨也

朝鮮人參潤枯渴下氣其功過諸藥近世主張古醫  
方者漫謂朝鮮參制焙之餘其力不過芳芷之產可  
謂寬矣至于補益延年之說今古之腐套鼠輩之口  
實不足掛諸齒牙也

南蠻人試肺癰疑似者法貯冰於器皿中使病者唾  
其中膿沈唾浮有膿者爲肺癰

淋病諸疾傻道壅塞小便一滴不通者灸陰莖頭中  
央與陰莖根極處正中七壯有奇効

南蠻人能審癰疽之分癰爲易治疽爲不治今世人  
以癰爲太甚危篤之病者不知其別也夫癰者濕疽  
者乾癰者張疽者陷癰者紅潤疽者紫黑余受其法  
試之事實果然無差矣



有一男子病傷寒發熱惡寒穀肉不失味下痢日數十行其舌無胎不好飲醫以葛根湯發汗三日下痢不休與小前胡湯下利徐多於是作桂枝附子湯盡三劑下利益多醫來詢余余往診其脈推之無力其腹如堅實而中氣不充因審問其平生言頻年病癰毒長服下劑余顧醫生曰此証極宜附子與附子利不止余惑之不知吾子與附子約幾個醫曰每貼或六分或七分余曰是過用不耐其毒於是再作桂枝附子湯附子每貼一分或增至二分一日而利斷數日而復故

一男子病疥癬以散藥摩擦數日而愈後作藥湯浴浴後中風發寒熱毒氣內攻滿身暴脹兩隻斷不下氣急脈數不能移一步請余余謂家人曰斯症死不可踵非峻攻之藥則難爭鋒與備急圓五分快利三行其明作東洋先生赤小豆湯服三大盞又利一行其明又與備急圓利十餘行毒氣漸減瘡痕發膿續與赤小豆湯二十餘日而全愈

有一男子常日我眼睛吐絲使家人取來一環就其目下轉旋日日如此二年時醫不得其解悉言魔魅所爲請余余到審問其病形飲啖過常太便秘夜夜



不睡蓋得之數年來失經紀蕩家產中心鬱結而不  
宣也廼以瓜蒂末取快吐五次於白虎湯方內加直  
根二分黃連三分與之續服六十餘日而全愈又有  
一女子日言我面今日加長數寸我面今日加短數  
寸蓋得之其性多妬其夫多情常懷鬱悶也長服三  
黃湯愈矣諸氣疾現恠狀者大概皆如此

一婦人三十餘歲月事斷不來年年肥大腰帶數圍  
一月一二次發大頭痛藥食併吐余診之其腹脈堅  
實唯心下鞭寒推之難徹底鑿與抵當丸漆濕丸數  
百貼血不來乃以瓜蒂末壹錢大吐一日其翳按心

下鞭寒減半又作抵當湯與之數日太僕唐瀉日五  
六次後十日而再與瓜蒂五分又與抵當湯如前肚  
腹劇痛代用以丸日三五分三十餘日而經水來如  
常頭痛荏苒而退

我醫方之書除仲景傷寒論不詐偽妄誕者千古幾  
希非明眼之士則不能辨其端的也頃視艮山氏之  
病因考絕無矯飾之言可謂人豪矣至于香川修菴  
見識為障牽強附會不少其人與著書下艮山一等  
凡腫物以掌按之有氣築者不治也

傷寒論曰傷寒六七日不大便者急下之宜承氣湯







服解毒之方以漸尅平至于積年之痼疾非輕粉則不能取効也

余漫游之日多閱諸家之禁方采擇符于古鑿方者錄于左

東洋先生赤小豆湯方治諸濕瘡內攻者

赤小豆 五錢 商陸 一錢生剉 麻黃 七分 連翹 五分 桂枝

三分 大黃 五分 生姜 一錢

右水二茶盞煎取一茶盞

東洋先生琥珀湯方治產後腫

琥珀 一錢半 商陸 一錢 桂枝 一錢或丁子 猪苓 八分

反鼻 五分

右水二茶盞煎取一茶盞

東洋先生再造散方治大風及癩毒不擇新痼服之可也

鬱金 五錢 皂角刺 一錢 大黃 十錢 白牽牛 六錢

反鼻 六錢

右爲末溫酒送下

治狂犬毒方

華產斑猫 五枚

鹽爲衣炒以鹽色變爲度以二茶盞水煎至一茶

漫遊雜記



蓋服如此七日除盡宿毒

治瘡後塊物方

反鼻 常山 大黃 鱉甲各一

右末用

治產後冷熱痢方

黃連 乾姜 烏梅

右末用

治疥瘡疼痛方

水蛭霜 烏梅

右二味傳瘡上

治一切疥癰瘰毒方

烏賊一 大黃五分 反鼻五分

右末用

紅夷人治小水不利方

白燭燭一 麥半

右水一盞半煎取一盞

治齒痛方

服山椒煎汁

又方 取蚯蚓腸置痛齒凹處

治咳方



地骨皮 鱉甲 各貳錢半 五味子 一錢

右細末煉蜜丸梧子大每服五分一日三次服

治衄血方

反鼻霜白湯送下

又方

衄血輕症土龍霜塗鼻頭劇者紙包實鼻中

治咽喉腫痛方

蠟鼠霜白湯送下

治痘瘡暴惡者方

刺尺澤委中取血紅夷人法

金屑丸方解諸毒停食

金礞石 百草霜 各十五錢 硫黃 二十錢 真砂 一

錢半 金箔 十二枚

右細末糊丸

吹喉癰方

丹礬 烏頭 皂角 各等分

以竹管吹之約壹分五釐

鷄鳴散治打撲折傷

大黃 二錢 杏仁 二錢

右以水二合煮取一合臥時服後飲好酒醉為度



至鷄鳴歿血盡下

治血淋方

海金砂末白砂糖送下

產後腹痛

貯陳艾於瓦器中焙熟帛包熨臍上艾氣徹口中則止

治乳不出者

括萋根九錢青黛六錢

右末白湯送下

治產后百日間不乳者方

木通葉六錢牡蠣四錢麥門二錢

右末糊丸大豆大蒲黃為衣一服四十五九日夜三服忌五辛青菜他煎湯

治乳腫方

蛇紫 丁子

右末好酒解之鳥羽塗乳房

二氣丸 治一切吐逆急迫者

硫黃二錢水銀一分

右摺合以生姜湯送下

治鼠毒方



打碎生蟹敷之患處灸五七壯以解毒之方下其  
宿毒知則患處四邊發紫斑

治癩毒痼疾鼻梁欲絕輕粉諸藥不効者方

百艸霜 二合 充明丹 二錢

右二味細末攪勻厚紙作袋如烟管大約長二三  
寸取藥末實袋中春千下緘定其口臨服置香爐  
中焚以竹管嚙之作蓋被爐使烟氣不洩七日而  
服盡以口內爛穢物下爲知

癩毒痼疾若面部若胸腹若腰背若四肢窅陷見肉  
四邊隱起若奇石恠崑其色紫黑者尤爲難治後方

主之但腹氣不堅實則不可服

大黃末 五錢 辰砂 二錢 天蓋末 五錢 麵粉 五錢

別貯鉛五錢於土器中安火上待鉛融去屑再加  
水銀三錢鎔化下火待凝定末之合勻諸藥煎出  
歸來拾錢取其汁每朝以一茶盞服散藥若五分  
若一錢後自日至臥時吞盡所餘煎汁若受毒於  
母胎者雖壯實之人不治假令治復發慎不可與  
治大人小兒頭瘡方

天花粉 四錢 輕粉 二錢 地龍霜 四錢  
右細末和胡麻油傳



治中烏頭附子毒者方

冷服味噌汁和邦一盞制

治濕家頭痛方

口含水半盞瓜蒂末少許貯小竹管中吹入鼻中

黑豆湯 治脚氣上冲

黑豆 五錢 大黃 八分 栝柳 八分

右以水三合先煮黑豆取一合去滓入諸藥再煮

取一合服

治下血方

地榆 大 宿砂 大 甘草 小

右以水二盞煮取一盞服

治大人小兒喘息方

灸巨里動脈上若十五壯若二十壯

乾牛丸

乾牛 十錢 合歡皮霜 六錢 桂枝 一錢

右三味為丸用

療蝮蛇咬傷

採藜葉與青葙若手裏搽和傳患處

又方

牽牛子 或子 蠅頭 十箇 蒲黃



右末傳紙糊帖患處

治頑癬方

輕紛 壹錢

綠豆

白附子

硫黃

牡蠣 各一錢

右為末以唾傳

獨嘯日濕瘡頑癬傳藥愈之毒氣內攻者不少故

外傳藥則內必下之

白丸子 治久痢

白朮 礬石 各等分

右粳米丸梧桐子大

浮石丸 治血塊

桃仁 大黃 浮石 各等分

右糊丸

雄黃解毒丸 治纏喉急痺

雄黃 一兩 鬱金 一錢 巴豆 十四粒

右酢糊丸津嚥下

治乳癰暨乳不出方

鯉魚頭黑燒

右一味白湯送下

吹喉癰藥

礬石 五錢 巴豆 五粒

漫海新言 卷之三 喉癰藥 礬石 巴豆 各一錢



漫海雜言  
右二味土器中煨過細末用

治瘰癧結核方

絲瓜黑燒

酒送壹錢日三度

治懷毒方

大黃三 枯礬一 木鱉子二 穿山甲一 巴豆三粒

右糊丸酒送

治胞衣不下方

反鼻霜一錢 角石霜一錢 麝香三分

右爲末酒送

療病犬咬傷方

人糞傳患處少間洗之灸其上

理中圓 治小兒諸疳

萬年青燒 乾漆等分 蕎麥粉減半

右爲小丸每服十粒若二十粒

治黃胖方

鐵粉百目 黃連 蕎麥各二十粒

右爲丸白湯送下明年又發則再用凡經三二年許

則全愈

治河漏停滯方



延胡索一味為末用

治痘瘡有虫癖者方

山椒小黃連大烏梅小

右末丸欲吐則以一物瓜蒂湯送之欲下則小承氣送之

紅夷人治率厥方

炷烟梢於足心

紅夷人治吐血方

赤后脂 柘榴皮

右末用

又方

赤后脂 三分五釐 阿片 五釐

又方

赤后脂 三分五釐 於久利加宇幾利 同上 鹿角霜

同上 阿片 五釐 柘榴皮 三分五釐

右為末取新汲水一盞內酢少許送下其症劇者刺尺澤筋推之變動脈者取血

治蝮蛇毒方

塗蝮蟪於患處

治痔瘡經年者方



漫遊雜記  
蝸牛四五十箇以胡麻油煮以至膏為度

備中鬼好菴味噌藥方 沸味噌汁於土鍋中入黑燒相和用故稱味噌藥

緋知字肝 八日鰻鱺 乾桺肉 經三年者

赤蝦蟇 雞膽 各五分 黑燒

右小兒疳眼眼睛見綉紋者用之有奇功

治小兒不利方

茯苓 大 白朮 大 沈香 中 乾薑 中

煎用

療疔瘡方

針其頂末熊膽水蛭巴豆塗針口則黃水大出

治中錫毒方

稿 俗日登利毛知

右即時傳痛處

以上諸方不擇和漢語記之欲其不失傳來之舊也

今世患梅毒者多兼氣疾故處方不兼療氣之藥則毒氣凝而不散

痿臂初發其人無濕毒暨瘀血之諸症而其心下痞鞭弦急者是為氣疾服吐法後須長服瀉心之方

勞瘵不可治似勞瘵者可治膈噎不可治似膈噎者可治世鑿動謂治勞瘵膈噎蓋似者也

奔豚氣未必用奔豚湯



瘡病須服恒山吐之。大法以五發爲期，寒少熱多者，不宜常服。山可服紫陽花末一錢也。服備急圓壹分亦

可

吐血因酒發者易治，因氣發者難治。一發尚可也，再發多死。

吐血後見腫者危矣。

產後三五日惡露不下，腹滿不減者，須急下之。數日後爲瘕，難治。

有一婦人產後八九十日，飲食不甘，味膚革無肉，胸腹痞滿，時時雷鳴，大便易瀉，下其脈沈微，平日晝間無故悲愁，經數鑿之手不愈。請余，余與參連湯兼用抵當丸灸脊際，每日一穴，自項門至腰眼，無慮三十餘日而復舊。

有一田夫病痔漏，肝門傍一寸有小穴，出膿汁。又左耳下一寸有黑痣，時時震蕩，如與肝門傍小穴脈應者，遍身發戰慄，脈數氣促，肌肉日脫落，乞治於余。余思索數日，不得其解，堅辭不療，以爲其終爲勞矣。爾後二年再過其地，呼田夫問其經歷，則曰：棄置不治，療無故快復。至今十餘年，不得其解。

有一壯夫病積，一年三四發，發則大便秘，夜夜不眠。



飲食悉吐余以苦瓠穰二分吐之一日夜其豈再不吐急灸章門腰眼痞根數千壯與葠連湯二十日許爾後再不發

有一鑿生每冬初微喘按其腹部諸藏逼上余日是喘息之候也可急吐唯臍上一寸有動氣吐後胃中空虛則上逆冲心不可大吐迺與瓜蒂末五分自日晡時吐數十回晡後吐黑血三四合困眩不可堪額上冷汗如洗急與冷粥一盞止吐服三黃湯二大盞其豈增進三黃湯經二日灸項門暨七九穴各百壯數日後不聞喘聲

有一男兒十一歲左右足痿如無骨人語言蹇澀日脈赤無故悲愁經數醫不治請余余到診其脈滑數腹位逼胸脇臍下如空審問其平生氣稟猛烈過群兒方其怒罵之時眼光爛爛血氣如湧蓋氣疾之一種而全與偏枯相類唯老嫩異而已與參連湯兼用熊膽貳分十四日病稍輕續服參連湯六十餘日而全愈

山東洋能運用三承氣對檢之傷寒論馳驅不差範真二千年來一人

山東洋聞其門下醫生無故轉處方則嘲日鑿自易



凡百技造其極地則意思必入毫髮機緘之所存難  
爲耳食吠聲之徒說必也待受而不疑者投之而已  
五雜組載金陵人有拾鈔於道者歸而視之荷葉也  
棄之門外逡巡一荷擔者俛而拾焉故鈔也嗚呼不  
以古道爲荷葉者幾希

奧材翁年過六十其技大行于越南北人人相爭邀  
致而富室勢貴屈之則不肯輒往貧氓村夫請之則  
一請輒到其意蓋在于矯世醫趨勢利者也

余嘗問山東洋日我事君三年技不進其故如何洋  
子曰吾子須多讀古書與古人晤言以蕩除胸間之

污穢余當時汎瀾聞之未甚得其意爾後十餘年周  
游海內試斯技始知榮辱悲歡之心妨診察吐下之  
機因想先輩任誕橫逸不屑世紛者蓋有故今錄其  
三四焉中古有隱士德本者甲斐人也常驅使峻攻  
之藥未嘗誤人頸掛一囊周流諸州應病者賣藥取  
償每貼十八錢 台廟有病徵治得痊臨去乞償於  
政府又中古洛醫之巨擘爲有馬丹山曾應福井候  
之召至越前候病劇數鑿皆束手丹山既診出就客  
位其士大夫來坐者數人丹山開藥裏匙白末如雪  
者沈吟良久忽日殺之耳士大夫退竊議日彼言狂



漫遊雜記  
妄其藥不可進一老臣曰疾非常不有奇術則不  
愈豈可不進乎遂進徐徐而退久而全癒丹山將歸  
游二國倡家有一殊色將隨太公爲侍婢妓曰倡家有  
法無乞身錢則不能丹山曰本自有旨迺啟越前侯  
取償云又洛醫村上東川者治安執疾沈痾得愈侯  
喜無限迨川將東歸謂曰積年之患一旦除去我何  
以謝德川曰鄙人無他嗜好唯臺下前庭巨石奇巧  
亦勝願得賜侯曰可石方數步役擔夫數百人拖拽  
而隨後行至播州漸生厭心弃之海濱歸云又小倉  
侯鑿官有西一鷗者其技超出時輩性卓犖而輕人

豐邑長某者有危篤之病迎取一鷗家兒出曰貴客  
幸遠來寒鄉僻陋無珍膳可慰客况鷗曰我嗜雞羹  
田家多雞幸供其佗無以旣而診病者出曰無佗故  
少間室內狂躁親故悲咽家兒出曰病者歿客幸歸  
鷗色不動曰不暗平生脉誤鑿甚整衣出顧家兒曰  
向所請雞想旣殺爾家無所用鼻我其或陵駕權賢  
或不屑順逆皆如此

產後敗血不下者慘毒尤甚數日後心下鞞滿如  
石爲難治須先其時下之宜雞鳴紫圓  
療癰服瀉心湯兼服再造散可也灸肩井膏盲曲池



身柱數十壯

香川氏曰溫泉不熱者無益于病者可謂夏虫之見矣藝州佐伯郡有泉曰水內治腰脚不隨者有奇効其泉頗冷秋冬難浴

狂犬毒隔日發則大概不治凡覺中犬毒須先其時煎服番木鱉子貳錢甘艸貳分以發之後右方中大黃下盡宿毒

夫人多思慮火易動火動則津液涸加旃恣慾則因為腎勞腎勞亦多氣疾

氣疾為痿蹙者其陰多先消縮及其將愈其陰先暢

動

中蝮蛇及諸虫毒者服雄黃龍腦麝香之類為可有

一狂夫性馴虫蛇曾遊一叢祠傍有蝮蛇匹遊攫取袖之見嚙左肘須臾暈倒輿而歸耳目口鼻悉飛黑

血舌上核起為星點每點出血急取鐵漿水一二盞服血不休又與備急圓貳分下之數行血不休昏眩將

歿於是末雞冠雄黃一錢龍腦五分以白湯一服食頃血止徐徐而復故

一府史天資勁悍過人能斗食能斗飲腹與繡佛類

一日造余點灸穴余望其腹消縮異常臍下如削驚



問曰左右足得莫不癢緩乎日然左右趾梢若麻難著屐余日是病不淺得之勞神太過須急辭官處閑將養延生不肯越五月發疽而歿

有一男子病時疫外症未除鑿以太柴胡湯下之數日後昏憤不知人事耳目之用悉廢索空狂吼一夜煩燥頻發五更而來叩余門余到診其脈細數與勞瘵相似蓋下之太早虛氣上衝而然余日是壞症也家人懇請不休迺以朝鮮參壹分黃連五分作湯服之至黎明脈變芤遲家人大喜余日是未可知明朝五更再診其脈夜診其脈如朝診時迺坐枕上待日

頃刻而發煩燥西溪傳五更鐘再診見細數如初乃堅辭而歸時醫與四逆湯人淺湯數日皆無効如治如不治經二旬而歿

一室女有私夫娠焉隨胎焉敗血兼鮮血下如覆盆暈倒數四家人不知故周章相拯其家戚族寔繁來訪者絡繹不絕女天資伶利懊惱中或恐它日事發露墜家聲氣鬱結而上衝頭痛嘔吐不能食不能眠腰背疼痛下利清穀四肢如挾冰經七日而請余余到診其脈動數胸間如春心下痞鞭頭髮振動額上有冷汗虛悸煩燥脇不能着席迺以桃仁承氣湯二



貼下其餘血又一日手足癱家奴遑遽來告往診腰  
不痛不下利煩燥稍定脈數微減余謂痺屬氣不屬  
血乃與大黃黃連瀉心湯二日手痺復足不復而不  
小僂一日夜余知其旦日當利居然與寫心湯其翌  
果快利利而又一日復閉余意益堅居然與寫心湯  
病少間數日事發露臬聲外聞女覺之病復大發虛  
悸燥煩益不能眠眠則如驚癇四肢搖蕩自日合睫  
則見鬼按其心下巨塊連胸腹築々余以手壓塊摸  
稜曰余在傍鬼不得來可少安枕壓塊益嚴塊欲動  
不得動眠數刻覺後眼亮倍常余呼家人曰是應發

狂而斯女伶利氣易困狂則忌情忌則生不忌則死  
狂數日食進胃調而後療狂不亦可乎唯連延經百  
日耳家人曰病得不死年所猶可况百日乎既而狂  
果發與寫心湯自若後二日食穀頗多十日後飲啖  
復常唯頭眩不能起於是作白虎湯石膏十錢知母  
三分甘州二分  
櫻米加芳薑五分黃連二分日與五貼入十餘日而  
復舊

有一窳衲三十餘歲來宿浪速寓居率然感外邪寒  
熱往來頭痛如割腰背疼痛四肢困倦脈洪數食飲  
不進全與傷寒相類急作大劑葛根湯一日夜進五



漫游雜言  
貼襲被褥取汗如此三日惡寒僅減餘症如前余呼  
塾生日此疫後爲太患謹勿輕蔑其夜五更起診其  
脈如轉索來太不自由余意以爲受邪不淺恐不起  
自如進葛根湯益增銖兩既經五日塾生來告紅痘  
熨滿面余抵掌曰有是哉無他故其明熱太食進脈  
如平生經二十日復故可知年邁患痘者難發達而  
葛根桂枝誤拯其死

赤關賈家兒病痢下利日十餘行羸瘦如視乾灰蛙  
其腹特脹大其脈沈遲食飲則悉吐以手按其腹則  
腸轉鳴如雷徐而望之則起伏如有動物急取雙紫

圓一分以白湯漑之不吐少許滿腹絞痛下腐穢物  
一合餘虬虫三頭午後進薄粥一盞亦不吐其豈作  
鷓鴣菜湯二貼進之其夜下虬虫三百五十頭其豈  
再進二貼又下二百餘頭吐已下斷食飲不梗而困  
憊亦極矣余呼其父曰雖病已太中氣難接續不治  
固辭而太爾後數十日兩脛見腫咳滿而死  
五雜俎載松滋令姜愚勿病不識字又有入得病視  
物皆曲弓弦界尺之類視皆如鉤蓋皆氣疾也

傷寒論瘵溼暍條載病身熱足寒頸項強急惡寒頭  
熱面赤目脈赤獨頭面搖卒口噤背反張者瘵病也



漫遊雜言  
蓋與今所謂卒癩全相似而徵之事實則斷然自別也

區血虛家及氣疾家其易火逆者不可過用桂枝一轉爲勞

溼毒受于母胎者決不治假令一旦得痊後必發爲人父母者豈思諸交精之初乎

傷寒論簡易的切無論爲鑿流正典活人元龜而爲叔和見撰壞踏駁贅亂非一非深造超詣之士不能明辨焉傷寒例及脈法皆成叔和之手今以瘧濕暍之條爲開卷第一章陰陽易而下斷不采

因幡侯有疾徵洛鑿飯田玄仙使者造請玄仙出對可其請乃入室中執質錢帖數十枚來日我好衣服悉貫盡使者幸償之其氣宇恢廓不屑阨窵如此它日鑿名振天下有故矣當世醫務羨衣服如賤倡濫婦塗污爲俗非一日有志之士可愧歎

村山東川治人誤機用則癢治療數日出宿妓院有人促歸則掉頭日我悔恨未除診侯難詳恐重誤人不肯歸

奧村翁躬有微恙則不診人日我心不了了診察何以審



我邦三都之俗儂巧習於俯仰視四方人以爲素樸可笑百虛一實左右賣人延及医流臭態百端盛輿徒美衣服佞給遷就苟且而求售不能極思於藥石經脈之事四方之子弟負笈來學者不知不識化其俗以爲粧點不如此則難爲医及其還家斷然爲油滑佞諛之人而後不良不美之俗靡然敷于海內吾技之衰可勝歎乎

長門村夫家世傳小册子余偶宿其家閱之其書中有苦瓠穰吐食傷之方余試之數人悉有效於是無瓜蒂則代用之爾後讀千金方有苦瓠穰圓之方可知我邦中古講漢唐之古方書其流風遺言猶存於邊裔也

近世唱古醫方者輒謂諸瘡痼疾未必事禁忌在驅除毒氣而已嗚呼危矣哉余少小患濕毒長服再造散得愈後食餅猪鴨雞飲酒復發者三次是余親以身試之較著也豈可不戒乎且凡服峻攻之藥者不遠房室則腹氣易竭血脈易亂難以得効也山東洋之於三承氣奧村氏之於吐方皆數十年枯髯嘔血之所得今世粗工俗手遽然試之傷人者不貲遂舉科歸古医方甚矣哉末世人亂道



漫游雜言  
有一男子病下疳瘡服水銀愈後二年骨節無故疼痛肢體有時腫滿喜怒無常百爾業悉廢請余余診心下鞞塞脈絃而澁蓋得之驅毒甚急餘毒不全盡以閉其表使神氣鬱冒乃作再造散數十劑兼服大黃黃連瀉心湯徐徐而得瘳

有一鼓工項門腫起不能顧左右無他症脈沈微而心下弦急蓋其資性脆弱勉強而就業神氣結腹位逼上而然與桂枝枳實湯數十日使瘳其業不作灸七八九十一脊際數百壯全痊別有一男子病症粗相似但脈浮洪心下不痞小使有黃色與桂枝烏

頭湯數十日而瘳

有一賈豎四十餘歲率爾而來請診其面青而無澤脈五七動一代心下有一塊蒙皮突出狀如大附子其臍下空洞無物余曰是腹裡從來有此物勞神甚多御內甚過中氣虛竭上衝逼心以藥石難治廢業遠室逍遙而過日則猶可經年所既而太公余語其親故曰彼命期不遠後數十日而殞

一僧十六歲病痘序熱二日食冷麵爲傷腹痛一夜醫以小承氣湯下之下後吐逆數四語言不出食飲不下四肢變急不全死不全生經五日請余余到診



脈沈微腹皮弦急不省人事不辨五色牙關堅閉執  
湯既之到咽而還余呼寺主問曰此僧平生無有痼  
瘕乎日有日是下之甚多痼瘕驚動入胸腹勢不治  
也寺主頻請不休迺取家猪膽一分塗牙關徐而  
咽喉有聲如唾沫下者再取白湯既之白湯悉下乃  
作參連湯一盞以蛤殼既之午後少服米湯其夜服  
完穀一七其明語言少聞益服參連湯至于一日二  
三次食飯一少盞二日而痘色悉見余再診痼瘕見  
臍上而腹裏空洞無物謂寺主曰此僧平生爲痼瘕  
見困腹氣全竭加旃以痘精液外運內必不支不日  
而歿固辭而還後五日果然而殞

有一賈豎病太瘦燥結平生十餘日而一行下後肝  
門刺痛不可堪經數年不愈請余余診之其脈沈勁  
臍左右積塊結連心下余曰此病在腹不在肝門不  
持久則不愈賈豎日諾迺作半夏瀉心湯加大黃三  
分與之日二貼數日後便利肝門不痛賈豎來日病  
瘳休藥余按其腹連結者未解日未解試休藥居數  
日又如舊於是再服前方凡經三月腹候漸穩灸背  
數百壯遂全治

南郭服子之於詩雪山道人於書芭蕉之於諧歌



皆一世之逸品晚失巧執之蹊逕雖小技不可忽諸  
吾人從事古醫方精謹十數年終不能到于絕倫之  
地者無它榮辱非譽之心動于中也余每詠服子之  
詩對道人之書誦芭蕉之諧歌未嘗不赧汗浹背矣  
長崎有一女子曰龜娘其父業鑄香爐無男子傳技  
龜娘共有絕妙之名龜娘爲人豪放使酒常與丈夫  
游其家單乏然未肯鑄香爐急治生也偶有好事者  
先納數十金請之則乃買酒殺招隣里酣飲數日而  
即工長崎總管承執政之意使製之命下半年漫漶  
不爲總管任將滿使鄉吏促之稍稍而成猶未肯獻

鄉吏遣卒數人守其家龜娘不錙銖夾意放誕益甚  
一日置所作於案上踞一牀持大管吹煙熟視頃刻  
風致不愜意攜來一大斧打碎其明總管東上香爐  
遂不隨矣達執之人不可以勢位奪其守如此矣與  
夫萬物之多唯蝸翼之視者斷然無間矣吾人從事  
於古鑿方奔趨名利之途汲汲求售其操行不如賤  
女子豈不悲乎

紅夷之俗能汗吐下寶曆壬午春余西游到長崎就  
譯師吉雄氏得通彼邦之語雖其治術剛愎難遽用  
此邦人至于汗吐下之機用一一與我古鑿方符矣



夫中華聖人之邦失其道一千年特於蠻貊得之者  
不亦異乎且其國政不禁剗人屐其民亦不屑屠腸  
絕筋之慘是以人病歿病源不明則剗剝之視以爲  
後圖如此數千年其書鬱然而存有志之士考證玩  
索有可獎助志業者也

良山子謂百年以來游惰之人腹裡結癥痕余徵之  
都邑市朝之人比比皆然蓋太平日久五民蕃息金  
錢虛耗奢侈日盛則知巧之民不免病氣勢也  
施治之日從這處下工夫則有大裨益矣

凡百技有知之者有得之者知之者不若得之者而  
知之易得之難夫得之者勿爲順逆所拘勿爲寵辱  
所惑勿爲毀譽所移勿爲貧富所阻夫而後謂之真  
得茫口宇宙鮮矣得之之人

和華今古之儒流譚及我技者不爲少夫未試之事  
實而言者皆空濶迂僻之論何知其機緘之所存適  
足以視其腐臭之態而已

傷寒論曰太陽病不解熱結膀胱其人如狂血自下  
者愈其外不解者尚未可攻當先解外外解已但少  
腹急結者乃可攻之宜桃核承氣湯按疫中或有因  
氣逆血下者或有下之甚早虛氣上衝血下者其證



候粗相類但少腹不急結今以桃核承氣攻之則其  
害益甚鑿詳其契結膀胱與少腹急結之狀可無誤  
之

婦人產後六七日腹滿絞痛大便祕結時<sub>レ</sub>振寒  
其脈沈遲余與桃核承氣湯三日便下腹不減痛不  
休一日寒慄大發項強反張直視須臾而歿既歿一  
日斂之棺中見蛻虫四五十頭始知向之腹痛不瘳  
血也爾後遇如此之症極意搜討瘀血虫癖之分  
一小兒遺尿至十餘歲不休與鷓鴣菜湯下虫灸章  
門腰眼數千壯全愈又有一小兒病形相似治之如

前法不愈後游藝州受一方於惠美二白者日以白  
湯服華渡蠟日五分約六十日若八十日許而全愈  
服之十日若十日餘病荐發者其得効益全余試之  
或有効

大原村女子戴薪過洛下忽如覺不快者坐道側產  
一子躬自洗拭入一室請冷水一盞而去行侶觀之  
者相傳為笑談可知勞動形軀者無難產也因想巨  
室富豪之婦侍婢穩婆遶左右重茵而坐撰米而食  
肩不舉步不搖心常懷恐懼以取太患者不少可不  
鑑乎



一老夫過經十餘日不解手足冷心下滿口不能食  
舌上焦黃晝間微煩頭汗出脈細沈無力余一診與  
調胃承氣湯得燥屎八九枚脈變洪遲乃與竹葉石  
膏湯數十日而解

脚氣急發者慘酷尤甚辛巳七月南紀賈船海運到  
于赤馬關闔舡悉病水腫乞治于一鑿生鑿生不審  
其疾延余診余到診左右脈滑數胸腹動氣如怒瀉  
自腰背迨臍下悉麻痺兩脛刺痛不可堪問其病因  
言先是連日泊熊野浦飲雨水余日是急脚氣也不  
可救矣其翌一人死其翌亦一人死如此數日闔舡

悉歿

有一女子四十餘歲下利腰痛膝脛有時微腫脈沈  
而欲絕微喘潮熱食穀一日一二盞腹底有癢瘕搖  
動則不省人事余日此下利自癢瘕腰間兼有積冷  
與附子粳米湯囑日不可酒色不可思慮酒色而發  
思慮而發我不知非藥之罪也服五十餘日病除不  
九偶其夫婿愛侍婢女子覺之妬忌忿恚數日諸症  
悉發遑遽招余余日病因忿恚忿恚不散則難藥使  
逐侍婢三日而再與粳米湯服百餘日復舊

一男子病癰毒愈後十歲膝下腐爛透骨有時出骨



傷寒論曰藏結者結胸狀而飲食

如故時下利寸脈浮關脈小細

沉緊名曰藏結

舌上白胎滑者難治

○大陽下篇曰病

在胸傍痛引小腹入腹筋者各藏結也

片如枳者動作悉癢又三年按其腹脈堅實而無它  
異迺與輕粉丸一劑七日而服盡咽喉腫滿日吐涎  
沫三四合齒齦斷續出黑血九日後隔日進備急圓  
三分或五分取峻瀉每與數十行經二十日腐肉復  
舊曳杖步行經三十餘日飲啖倍常就耕稼如十餘  
年前

一男子病腹痛苦楚不可堪四肢厥冷額上生汗脈  
沈遲食飲則吐按其腹痛連胸脇遠臍入陰筋鞭滿  
難近手諸鑿畏縮而歸余日是寒疝應不效作附子  
瀉心湯與之夜效余不知其故沈思數日偶讀傷寒

論其所謂藏結也余當時汎然不精思誤鑿如此噫  
呼讀傷寒論十五年甚哉事實難周

有一男子病氣疾發則向壁而坐食飲如常大便五  
七日一行懶語言動作諸鑿悉為勞余日是非勞疝  
癖也以瓜蒂散吐膠痰數升後與蘆薈丸每日五分  
每月輪次冬十三四五六七輪數百壯經二月不復  
發

有一男子膝脛刺痛腹脈無它異經三四歲而不愈  
請余余日是濕氣也後或為脚氣與大黃附子細辛  
湯一百日而愈附子代烏頭日服壹錢八分



瘧病有太陽症其手足拘攣癱瘓者以葛根湯發汗  
表証既去拘攣癱瘓不休者與大柴胡湯四五十日  
而愈

中暍吐瀉手足厥冷者一種其一宜四逆湯其一宜  
白虎湯鑿應潛思鑿之

有一壯夫病癩毒七年兩脚拘攣不起易鑿三十餘  
人不愈漫爾廢湯藥余偶至其地親故來請就診氣  
韻食飲如常其脈遲緩腹無它病唯其臍下有一癖  
築ヒ余曰是疝也攻濕頻年為藥所脅沈結而不解  
與附子粳米湯二十日徐ヒ脚伸時余將去書方與

之日服之無怠爾後一年復舛言經一百日而復舊  
一男子病轉胞余往診病因疝發其勢不甚急余意  
以為病往而還不至死作太黃附子湯與之而歸晝  
間偶檢閱囊中見漫遊中所得轉胞奇方四五意又  
漫以為有許多奇方未必待病勢開闔一舉而可得  
効乃作一方與之不治又與一方不治又與二日而  
奇方用盡而不治病者不信易鑿後三日小使果然  
而快利余因奇方忽ヒ誤機用禪家有言日金屑雖  
美入眼則作翳信矣哉

有一男子病濕毒兩脛攣痛不可行步額下腫起如



梅核大，中氣鬱結，飲食不進，虛羸日甚。於一日鑿與滋補之藥，數日日益不可。其脈沈微，其腹皮通脊，以熟按其心下，則到底痞，鞭蓋其肚裏，固有痼癖，爲濕氣見脅上，逼入胸廼與家方解毒，用大黃僅二分微利日二行數日，後心下見動物，腹氣漸復，飲食有味。於是增大黃，每日四五分快利日三四行，益利而益健，經四十餘日，頷下核消，肌膚生肉，日行一二里，經百餘日復舊。

大阪一賈豎，感暑泄利，其妻少而姣，時鑿皆以爲虛火，上衝與益氣湯二十餘日，下旣斷，心下絞痛三日，夜無間斷，四肢拘攣，口不能言，服附子理中湯數貼，不治欲歿，請余。余曰：是邪毒結上攻，可下。醫生暨傍人皆不可，賈豎特曰：雖下，死雖不下，死，死則一也。不如服之，無遺憾。於是與備急圓二十粒，服後悶懣，食頃絞痛不發，而便未肯來。余診其腹，臍下隱然怒脹，曰：是雖心下旣解，藥氣爲痼，見閉廼作黃連瀉，心二貼進之。其夜二更而便下，家人來報，余曰：意者五六行無它故，至明下六行，神氣輕健，而可行步，與半夏寫心加大黃湯二十日而全痊。

大阪赤后家家僮病疫，經十五日不解，請予診之。面



漫遊雜記  
赤微喘時，七潮熱，舌強狂，吼脈數急，胸腹鞞滿，有時微利，鑿與麻黃杏仁甘草石膏湯，數日病益劇。予曰：是受病之初，發汗不徹，邪氣鬱結，入裏欲爲結胸，可下作大前胡湯，與之。其翌太僕一行胸滿浸減，下痢斷作小前胡加枳實湯，與之日進二貼，服三日太僕祕不通，與大前胡湯，又祕。又與如此三十日，而得愈。余平常多病，虛羸過人，寒暑易侵肌，癸未之七月病暍時，方乞治者不少，強往來閭里，數日八月五日食蝦魚鷄卵并煮，其夜半覺腹痛，服家猪膽三分，四逆湯一盞，不解，到明益甚，心下溫，結不散，於是服瓜

蒂二分，居頃刻，益劇，脈斷四肢冷，舌舉不下，予以爲一快吐，則僥倖，万一而不能揚，頭吐，又以爲余死，則端坐強扶而坐，則吐，尋探吐者，二次胸間微利，而後自旦及午時探吐十餘，心下結散，自起行，廁昏睡，半日一夜，其翌依病，謝治療，集偕士談笑。

大黃黃連寫心湯，半夏寫心湯，生薑寫心湯，甘草瀉心湯，其症候大同，少異，仲景論其區別，周悉懇到，學者須徵之事實，審其機緘之所存。

傳尸病咳嗽潮熱脈數急者，一切灸藥悉無益，五六之童子能辨之，或無熱或脈不數者，非超詣之士難



漫遊雜記  
詳其治不治矣至其或得之氣疾或得之瘀血或得之梅毒者其証候全與傳尸相類而待治得活者其中有一二

勞瘵無咳無熱脈不數形軀枯燥而聲啞者不治梅毒痼疾外候不見或鼻孔裡或咽喉裡肉瘦聲洩者難治

梅毒家長服土茯苓津液乾燥者火動發咳甚者率厥醫須慮諸其初

淋疾痔漏因氣發者不為少攻之兼療氣之藥可也梅毒手足骨隱起者難治

有黃疸者有似黃疸者須辨

金匱要略於胸痺心痛用附子桂枝不為少澆薄之世人黠而多思慮以鬱蒸氣火可苓連者多可桂附者少鑿詳其証候可無誤之

越前賈船海運到赤馬關其船王某晝間檢閱賈物過市忽然卒倒直視搖擗不省人事行侶驚視相集有人走報其船船中人相逐而至內一人以鍼刺舌黑血霏而飛須臾而蘓息蓋所謂痧病也越前人往傳其方余北遊受之野人用之於海濱徒跣之民間有效矣



先是十餘年有一壯夫遇時氣惡寒發熱頭痛如刺  
四肢昏惰小便赤如血食不能盡半盃余以葛根湯  
取汗數日外証既退與小柴胡湯五六日待屎鞭與  
調胃承氣湯不復更作大承氣湯三倍常法與之終  
不復而歿余衡慮數日不得其解漸覺其初發脈沈  
緊而心下痞塞爾後一年之越前受吐方復視一鑿  
生病疫者形狀頗相肖待外症既退以瓜蒂赤小豆  
末三分吐之二次脈變心下達雖然數日後大便秘  
然而祕與大承氣湯二貼艱澁而得全

五十已上病偏古之人四肢不如意語言蹇澁常流  
涎者其腹候堅實而大便秘者可以大黃黃連寫心  
湯以參連湯可也參連湯不可與者為難治也凡病  
斯症機轉如木偶人則可為既愈斷然不全愈  
鼓脹多得之於天蓋受體之初胎穢結為癖潛在腹  
裏壯年後勞動心志甚則因發為鼓脹決為不治故  
往也父子兄弟連發亦有

產後血氣易涸尋勞傷精神則因舌乾泄利發咳為  
勞又新產之時惡露不全下凝結上衝舌傷泄利發  
熱發咳為勞

劫人於山野養其性命者謂之賊而通計之於生涯



雖其多者不過五十人若百人方今之鑿術拙而行於時不知不識賊人通計之於日日三五人者蓋不爲少生涯則幾千人乎以是觀之鑿之陰惡過賊遠矣所以學鑿者豈可忽諸

醫雖才氣秀出於人者試治方於危篤之病不過千人則知見不明得處難生

余生於長門之西鄙長於缺畝之中慕古人之節好聖賢之書而苦寒鄉無師友年甫十一東遊於京師無所遭遇西歸之後爲養子於赤馬關孔富氏家君師事前豐香月牛山翁修東垣氏之方余得與聞年

十三遊於都下師事于井上氏井上氏修丹溪氏之方余得與聞年十四去遊江都徧參攻時師而見時鑿一顛冥利欲佞給遷次取容悅無益於人之性命悶然有厭弃醫方之心年十七有家君之命西歸於赤關性狂狷爲鄉曲不容去再遊于都下學于周南先生益有厭之心開講肆講六經有同僚安達某者歸自京師見余謂日子鑿生而講六經所爲異于所學我私疑之余日余修鑿方之書五年徧參攻時師知其無益於人之性命故有厭弃之心某者笑日子徒知無益於人之鑿不知有益於人之鑿予日有益



於人之鑿如何日有香川秀庵山脇東洋者皆在於  
輦轂之下開門待四方之士久矣子盍一見諸子曰  
諾於是再東入洛有同僚栗山文仲者先在東洋先  
生之門下引余見於先生先生容貌雄偉神彩射人  
謂余曰漢唐以下數千年中華無寧謚之日割據試  
舉可逞豪傑之瓜牙誰拘ヒ乎為方技之徒宜哉其  
無離倫之才幸有長沙氏之書雖其人不可知周漢  
之遺術備存和華今古之鑿無知其條理而施之者  
生民歿于養榮益氣之說非一日也吾子豈冠漢高  
溲溺之餘快於心乎寧依吾志開二千年來之沈滯

乎唯子之所擇也夫子貢貨殖子路負米何必講書  
授句而後為士乎學道志也行醫業也何相妨之有  
其言未畢予舌舉不下汗流浹背生涯之趣向始定  
矣留居塾中一年與聞其道傍視先生之決歿生摧  
沈痼大異平昔之所學以為古鑿方之妙至矣盡矣  
天下無不可治之病其明年西歸赤關遂遊浪卷鄉  
曲之人來乞治者日數十人待之以所聞於先生汗  
下之方上巴豆甘遂輕粉烏頭無所不至或忽治忽發  
或初快後危或長服無益於病或經下又罹其禍於是  
知為醫有開闔離合之機上與雖扁倉有不可治之



雖然此時血氣之慾未定好貨好色學醫之志不  
精汎然過日三年歲二十一聞北越有奧邨翁者能  
吐方與山仲陶同往而見受其法翁方面大耳鬚髮  
如銀其爲人厚重不可移余留學六十日與翁討論  
數次臨將歸謂余曰吾子學東洋氏非一日其論非  
不高其旨非不遠而高論遠旨自非聖賢則施爲多  
違自此以往歷事多年志業始習熟而已矣歸於京  
師授受奧邨翁者於東洋先生再西歸赤關而後汗  
吐下之三法始備焉予在赤關以汗吐下之三法試  
諸難治之病垂二年始知爲醫之難也就中遇時不  
利害急具至一切絕飲博以賴之交雉髮浮沈閭里  
爲鑿之志始一也爾後又二三年能知不可治之病  
能知可治之病所謂不可治者非時鑿之所謂不可  
治也所謂可治者非時鑿之所謂可治也而深識所  
謂古鑿方者非用汗吐下之古方之謂在所以用汗  
吐下之古方之謂也年二十九因病離家漫游西經  
二筑東過藝備來客大阪其間診沈固滯癢之病無  
慮一千人診病年多爲技年拙益知窮理易應事難  
也

游雜記終



明和元年甲申九月吉日

剗刷 藤村善右衛門

大坂心齋橋通唐物町

書林 北田清左衛門梓

茂木東廣主

010190533226



